

Recueil des chartes de l'abbaye de Stavelot-Malmedy, 119

In nomine sancte et individue Trinitatis. Sancta et salubris est cogitatio pro defunctis exorare, ut a peccatis solvantur. Idcirco ego Macharius de Cymay et ego Boso de Barz compuncti corde de nece cognati nostri Adelardi de Liesen, ad ecclesiam Stabulaus in qua subadvocatus fuerat de Brabanto ubi interfectus est eum referri fecimus, et cum consensu cognatorum ejus Thyeboldi de Haia et fratrum ejus Arnulfi Ualtris et Gisleberti de Gyuerules, Adelardi de Gyaz et fratris ejus Widerici, Adelardi de Seniaces, Waltheri de Haia et fratrum ejus Roberti et Widonis, honorifice eo in parte monasterii aquilonari sepulture tradito, ob salutem anime ejus tradidimus ad altare sancti Petri sanctique Remacii in eadem ecclesia allodium ejus de Bullardes cum ecclesia et familia ad idem allodium attinente, et decimam de Bauines et allodium quod habebat in Brilei, quicquid in dominicatura, domibus, mansis, cultis und incultis, pratis, silvis, aquis, aquarumve decursibus, ejus juris in locis denominatis erat. Facta est autem hec traditio per manus Heinrichi majoris advocati ejusdem ecclesie filii comitis Namucensis Alberti, presente domno Rodulfo abbate, Godefrido decano, Eminone preposito et ceteris eorum fratribus, pro anima cari nostri attentius Deum exorent ut a peccatis solvatur. Testes vero hujus traditionis sunt : comes Lambertus de Monte acuto, Boso de Braz et frater ejus Johannes Donhaia et cognati superius intitulati, fratres ejus Arnulfus Uealtris et Gislebertus de Giverules, Adelardus de Gyaz et Widericus, Widericus Niger de Rona cum aliis ejusdem ecclesie hominibus, Roberto et Cuonone et Reinnero de Longia, Adelardo de Montfort et filio ejus Adelardo, Mozone de Rona et filio ejus Gisleberto, Albrico villico Stabulensi cum filiis suis Albrico et Ebroino.

Actum publice in monasterio Stabulaus anno dominice incarnationis M° LXXX VIII°, III kal. octobris, indictione XII, regnante Heinricho IIII Romanorum imperatore auguste, Heinricho Leodiensi presule, domno Rodulfo Stabulensi abbate, in Christi nomine feliciter. Amen.